

A woman with dark hair pulled back, wearing a light-colored patterned top, is smiling warmly at the camera. She is seated at a table with a white tablecloth. In the background, there is a stained glass window with blue and purple panes, a framed picture on the wall, and a green curtain. The overall atmosphere is bright and pleasant.

譚玉玲

與人同在的神

我細個嘅時候喺基督教學校讀書，所以有機會聽過主耶穌基督是真神的道理。但結婚之後，順從家姑拜菩薩的習慣，就再無接觸基督教了。可是我的心無因為拜菩薩而得到安寧。有一次我跟奶奶去問米，但係我發覺個問米婆不過係呢人搵錢的騙棍。當時我很激氣，對自己講：「唔好信偶像，只可以信自己！」日子一年一年咁過去，而我靠住自己嘅生活，就好似大海中的一隻船，喺風雨飄搖下抵受住起起跌跌嘅生活。



直到零一年，我大仔邀請我參加耀安教會的聖誕佈道會。當晚我睇住台上的表演，又聽住牧師嘅講道。神透過牧師嘅說話感動我，我感到聖靈已經在我嘅身心裏面，神的平安亦充滿了我。我就喺當晚決志信靠主，求神拯救我，掌管我嘅人生。從嗰時開始，我再次接觸基督教信仰，同埋開始參與教會。



在教會裡，聽咗好多聖經教訓，就學習喺生活上遵從聖經教導。慢慢就發覺，神幫我解除咗本來喺我心靈深處D捆綁同包袱。而我同家人嘅關係亦變得更融洽，多咗關心同開心。

喺我媽媽得病嘅時間，我更感到神嘅恩典同看顧。嗰時，我好想阿媽好似我一樣經歷到神同在嘅福氣，就不斷為佢禱告同向佢傳福音。起初阿媽十分抗拒，甚至教會啲弟兄姊妹去探訪佢，想為佢禱告，佢都拒絕。後來，阿媽嘅病越來越嚴重，感到非常辛苦，我就同佢一齊向主禱告，又鼓勵佢無論開心或者不开心，都可以向主禱告。有一日，媽媽話我聽，佢已經試過向主禱告許願，而神亦比阿媽經歷禱告蒙應允嘅恩典同喜樂，佢就決志相信耶穌，承認耶穌係真神，後來更接受咗洗禮。而家阿媽已經離世，但我知道我地將來會喺天家相聚。



雖然阿媽已經離開咗我，我自己嘅兒女又已長大成人，有D已經成家立室，但我並唔孤單。因為主耶穌同我喺一齊，佢嘅恩典同平安每日都充滿我，又叫我因為學習聖經，認識神更多而經歷更豐盛同喜樂嘅生命。感謝主寬恕我，接納我，洗清咗我一切嘅罪，賜我永生，又賜我彼此關愛鼓勵嘅小組，同學習成長與服侍嘅教會。

今日我接受洗禮，藉著呢個行動，向神、向人表明，我單單屬於主耶穌；今後我會繼續向人見證神嘅福音。有主同在，呢個真係我最大嘅福氣！感謝主！



「我將耶和華常擺在我面前，因祂在我右邊，我便不至搖動。因此，我的心歡喜，我的靈快樂；我的肉身也要安然居住。」（詩16:8-9）